

«Машраб»нинг бу сондаги икки кўруниш, бизнинг назари диккатимизни ўзига худди кахрабодек тортиб кўйди. Унинг бири - танкид оламида янги «усул», иккинчиси -Зарафшон дарёсининг бу кунги ажойиб ва гаройиб холи. Шунинг учун бу тўғрида бир-икки огиз чак-чак килмасдан ўта олмадик.

Бировнинг шеъри ёки меъри танкид килинар экан, унинг галвир-шалвирини бошлаб тахлил галбиридан ўтказиб, сўнгра ул ҳақда бир ҳукм чикариш ота-бобомиздан колган яхши бир одат эди. Яқинда «А. Саъдий» деган бир ўртоқ ҳам шу усулга амал килиб бир муддат сўкиш «офариннома»си олгон эди.

Лекин нима учундир сўнг чокларда янги бир танкидчи майдонга отилиб, ўз аклича одам боласи кўрмаган ва эшитмаган шги бир «усул» чикарди. Бунинг усулига караганда, тахлил-махлил деган бош огриклар хожат бўлмай, ёлғиз шоирларни сабзи-шолгом каторида копга солиб, Оврупонинг тошбака тарозуси билан ўлчаш кифоя этар эмиш...

Мана, биз ўзимизнинг ёш шоирларимизга бу янги «усул»ни тортик этамиз. Токи булар бундан кейин Оврупо шоирларидек шеър айтсунлар. Бу ишнинг уддасидан чикмагонлари тақдирда жимгина юрсинлар ва «тавсиъи маълумот» этсунлар...

Яша танкидчи!.. Шу усулга ҳам салламно!..

Энди келайлик Зарафшон дарёсининг бу кунги кўрунишига:

Самарканднинг бу кунги Зарафшон манзарасини кўрган киши хайрон бўлиб, «ё бу ернинг халки девона бўлгон, ёки бу шаҳар - халхала шаҳри экан» деб ўйласа ажаб эмас. Чунки бечора дехконлар, канча меҳнат килиб, солик тўлаб бир коп галлани ёки 20-30 ковунни бозорда сотаман деб Зарафшон киргогига келадилар. Бундаги каровуллар кўпруқдан мандатсиз ўтказмаганлари учун у бечоралар ҳам тақдирга тан бериб дарёдан ўтишга мажбур бўладилар.

Натижада, бир мунчалари дарёдан зўрга ўтиб, бошқалари тўп-тўгри Бухородан чикадирлар ёки иккинчи дунёдан... Буларнинг уйдаги бола-чақалари «отамиз гўшт-ёғ келтирадир» деб қозонни кизитиб турадир. Лекин гўшт-ёғ нари турсин, оталаридан дарак ҳам бўлмас. Бунда қозон кизиб ёрилуру. Бола-чақалари ҳам сабил қолуру...

Шахримизда ишчи-деҳқонлар фойдасига ишлайдургонларнинг бу фожеаларни кўрарлик кўзлари, эшитарлик қулоқлари йўқ.

Чунки....

Ботурбек

«Машраб», 1924 йил, 6-сон